

## Lou talhur è lous quotate toupis (Reclams 1977)

Quin ère balèn e adret, aùneste e discrèt aquet talhur ! Pertout qu'anabe e, en loc, nou boutabe lou nas ! Tout qu'at entenè més arrè nou retiènè ! Qu'ère drin coum ù curè. U défaut toutu qu'abè : qu'ère trop surious ! Ço qui s'en poudou doungues béde ta-s marida !

Las goujates qu'èren drin coum las de bitare ! Que-us agradabe de dansa e de-s ha...tastalica ! Ço qui bôu dise que souls que-s maridaben hère biste lous goujats qui, chens pôulas abèn sabudes maséda ! Nouste talhur n'ère pas d'aquets. Tabè, si-s boulou hica en ménatje, que-s abou à acounourta de ço qui poudè trouba... Pas gran càuse ! Ue escloupère, qui déjà abè hort serbit d'esclop, que fèni toutu pè-u càussa au plus près coum calè ! Que l'apèraben Yanète, aquère, sabet, qui ère tant adrete tà hiala lou lî ta-s boéyta ù... pichè de bî !

Quotate hilhots, pla bèroy cousuts, que sourtin d'aquet mènatje tardíu ! Leù que hén béde ço qui balèn ! L'aynat, dit lou pierroulot, qu'abè mey de oelhs que de bourras. Qu'esté biste prou hort e prou gras ta ha ù bou carbouè. Lou sègoun, bîu e mourden, lou Lucien, qu'abou lou goust deu cimen e que badou maçoû. Lou tresàu, lou Yan-Batiste, drin sàute-la-brouste e hort courriè, que-s boutè au cerbet de bade arrécardè ta béne oeùs e pouralhe. E que y arribé ! Lou darrè, en fî, que parlè de-s ha..., més béyat quin fénomène ! que parlè doungues de-s ha curè ! mes coum ère chens mouyens, que-s , que-s contentè de néuri aquère idèe au soû cabelh.